

ত্রিপুরা সরকার
তথ্য ও সংস্কৃতি অধিকার

স- ৪৯৯৫

উদয়পুর, ২৮ ফেব্রুয়ারি, ২০২৪

মহিলাদের স্বশক্তিকরণের জন্য রাজ্য

সরকার অগ্রাধিকার দিয়ে কাজ করছে : অর্থমন্ত্রী

মহিলাদের স্বশক্তিকরণের জন্য রাজ্য সরকার অগ্রাধিকার দিয়ে কাজ করছে।
মহিলাদের স্বরোজগারী এবং স্বাবলম্বী করে তুলতে রাজ্য সরকার বিভিন্ন পরিকল্পনা রূপায়ণ
করছে। এই কাজে ব্যাপক সাফল্যও আসছে। আজ উদয়পুরের রাজ্যী হলে গোমতী
জেলাভিত্তিক সরস মেলার উদ্বোধন করে অর্থমন্ত্রী প্রণজিৎ সিংহরায় একথা বলেন। ৩দিন
ব্যাপী জেলাভিত্তিক সরস মেলায় গোমতী জেলার ৮টি ব্লক থেকে ৪২টি স্টল খোলা হয়েছে।
বিভিন্ন স্বসহায়ক দলের মহিলাগণ তাদের উৎপাদিত পণ্যসামগ্রী নিয়ে মেলায় অংশ নিয়েছেন।

সরস মেলার উদ্বোধন করে অর্থমন্ত্রী বলেন, প্রধানমন্ত্রী নরেন্দ্র মোদি লাখপতি দিদি
বানানোর জন্য বিভিন্ন পরিকল্পনা গ্রহণ করে কাজ করছেন। রাজ্যেও ২ লক্ষ দিদিকে লাখপতি
বানানোর জন্য রাজ্য সরকার কাজ করছে। ইতিমধ্যেই রাজ্য ৮০ হাজারের বেশী দিদি লাখপতি
হয়েছেন। অর্থমন্ত্রী বলেন, রাজ্য সরকার স্থানীয় জিনিস উৎপাদনের উপর বিশেষ গুরুত্ব
দিয়েছে। স্বসহায়ক দলের মহিলারা বর্তমানে অর্গানিক আবিরণ উৎপাদন করছেন, যা
স্বাস্থ্যসম্মত। তিনি রাজ্য সরকারের বিভিন্ন উন্নয়নমূলক কাজের তথ্যও বক্তব্যে তুলে ধরেন।

অনুষ্ঠানে বিধায়ক রামপদ জমাতিয়া বলেন, প্রধানমন্ত্রী নরেন্দ্র মোদি মহিলাদের
ক্ষমতায়ণের জন্য কাজ করছেন। মহিলারা শক্তিশালী হলে দেশও শক্তিশালী হবে। অনুষ্ঠানে
স্বাগত বক্তব্য রাখেন গোমতী জেলার জেলাশাসক তড়িৎকান্তি চাকমা। সবাইকে ধন্যবাদ
জানিয়ে বক্তব্য রাখেন উদয়পুর পুর পরিষদের চেয়ারপার্সন শীতলচন্দ্র মজুমদার। অনুষ্ঠানে
অন্যান্যদের মধ্যে উপস্থিত ছিলেন বিধায়ক অভিযোক দেবরায়, বিধায়ক জীতেন্দ্র মজুমদার,
গোমতী জেলার অতিরিক্ত জেলাশাসক সুমিত লোধ, মহেন্দ্র কুমাৰ শাসক জয়ন্ত ভট্টাচার্য প্রমুখ।
